



**ՄՈՍԿՎԱՅԻ ԵՎ ՀԱՄԵՅՆ ՌՈՒՍԻՈ ՊԵՏՐԻԱՐԺ
ՆՈՐԻՆ ՍՐԲԱԶՆՈՒԹՅՈՒՆ ԵԼԵՔՍԻ ՆԵՐԿԱՅՆՑՈՒՑԻՉ
ՄԻՏՐՈՊՈԼԻՏ ՊԵՏԻՐԻՄԻ ՈՂՋՈՒՅՆԻ ԽՈՍՔԸ**

(Ասված Նորին Ս. Օծուրյուն Տ. Տ. Վազգեն Ա. Կարողիկոսի
օծման և գահակալության առթիվ)



Նորին Սրբազնուրյուն միտրոպոլիտ
Պիաիբիմը կարգում է իր ողջույնի խոսքը

Ձերդ Վեհափառություն:

Հայոց Եկեղեցու համար այս մեծ, հանդիսավոր և ուրախ օրը, թույլ տվեք նաև մեզ՝ Ռուսաց Ուղղափառ Եկեղեցու պատգամավորներին ողջունելու Ձեզ՝ Ամենայն Հայոց Կաթողիկոսի և Ծայրագույն Պատրիարքի սրբազան կոչման առթիվ՝ անկեղծորեն բարեմաղթելով Ձեզ բարի հաջողություններ Ձեր առաջիկա բարձր ու պատասխանատու առաքելության մեջ: Միաժամանակ մեծագույն մխիթարությամբ պիտի վկայենք այստեղ ներկա գտնվողների առջև, որ ի դեմս Ռուս Ուղղափառ Եկեղեցու, Հայ Եկեղեցին ունի իր անկեղծ ու սրտագին բարեկամը, որը Հայ Եկեղեցու վշտին վշտակից է, ուրախությանն՝ ուրախակից:

Անցյալ տարի Հայ Եկեղեցին վշտով հուզարկավորեց հանդերձյալ աշխարհը իր սիրելի և իմաստուն Գահակալին՝ Ամենայն Հայոց Կաթողիկոս և Ծայրագույն Պատրիարք Գեորգ Զ.ին: Նրա թաղման օրը ես պատիվ ունեցա արտահայտել Ռուս Ուղղափառ Եկեղեցու խորին ցավակցությունը Հայ Եկեղեցու հովվապետներին, հովիվներին և հավատացյալներին՝ նրանց հասած վշտի առթիվ:

Մեր Ռուս Ուղղափառ Եկեղեցին խորապես հարգում էր Ամենայն Հայոց Կաթողիկոս և Պատրիարք հանգուցյալ Գեորգ Զ.ին, որպես ականավոր եկեղեցական գործչի, որպես սիրո և խաղաղության մեծ դադափարների արթուն պահապանի և մեր Հայրենիքի

մեծ հայրենասերի: Հայ Եկեղեցու վիշտը իր Հայրապետի մահվան առթիվ, մոտ էր և հասկանալի մեր ուսուցիչական ժողովրդին, մեր քրիստոնյա սրտին: Հայ Եկեղեցին, հանձին Նրա, կորցրեց իր սիրելի և իմաստուն Գահակալին, իսկ մենք կորցրինք մեր մեծ ու անկեղծ բարեկամին:

Այժմ Ռուս Ուղղափառ Եկեղեցին մեծ ուրախությամբ է լցված, երբ հանձին Ձերդ Վեհափառության տեսնում է արժանավորադույն հաջորդին՝ շարունակելու հանգուցյալ կաթողիկոս և Մայրագույն Պատրիարք Գեորգ Զ.ի բեղմնավոր գործը հանուն Քրիստոսի սիրո, հանուն քրիստոնեակա՛ն գաղափարների երկրի վրա հաստատման՝ հանուն սիրո և խաղաղության, և շարունակելու Ռուս Ուղղափառ Եկեղեցու նկատմամբ այն սերն ու բարեկամությունը, որոնք միշտ կրում էր իր սրտում հանգուցյալ Գեորգ Զ.ը:

Սրտի խորին ուրախությամբ ես մատնանշում եմ, որ Հայոց Եկեղեցին և Ռուս Ուղղափառ Եկեղեցին միացած են երկրի վրա Քրիստոսի գաղափարների կենսագործման ընդհանուր ձգտումներով, միացած են մարտիչ աշխարհում խաղաղության համար

մղվող պայքարում, և այս միությունը ավելի է ամրապնդվում փոխադարձ սիրո և բարեկամության կապերով:

Թո՛ղ Փրկիչ Հիսուս Քրիստոսը իր աստվածային օրհնությունն առաքի Ձերդ Վեհափառության վրա Ձեր աշխատանքներում, թո՛ղ պարգևե Ձեզ երկար օրեր և ուժ, կարողություն, թո՛ղ ամրապնդվի և խորանա մեր Եկեղեցիների բարեկամությունը մարդկության խաղաղության համար մղվող ընդհանուր պայքարում: Բարեմաղթում եմ հոգևոր միություն ի Քրիստոս, Նրա աստվածային խոսքով՝ «եւ դուք ամենեքեան մի էք» (Յովհ., ԺԷ՝ 21), և ի նշան փոխադարձ սիրո ի Քրիստոս, որպես հիշատակ Ռուս Եկեղեցու մասնակցության Հայոց Եկեղեցու այս հանդեսին, Նորին Սրբազնություն Պատրիարք Ալեքսին ուղարկել է նորընտիր Գահակալիդ սրբազան պանակե՝ Տիրամոր կերպարանքով, որն իր աստվածային հովանավորությամբ, թո՛ղ լուսավորե Հայ Եկեղեցին, նրա սրբազան գործ պաշտոնյա հովիվներին ու հավատացյալ ժողովրդին:

Բազում տարիներ Ամենայն Հայոց Կաթողիկոս և Մայրագույն Պատրիարք Վազգեն Ա.ին:

